



列傳第十四

北史二十六

宋隱

從子惜
弟子世良

惜孫

孫欽道
弟世景

并族第

許彥

五世孫

刁靡

子遵

曾孫

辛紹先

韋閻

孫子榮

杜銓

宋隱字處默西河介休人也曾祖顛祖活父恭世仕慕容
氏位並通顯慕容儼徙鄴恭始家於廣平列人焉隱性至
孝專精好學仕慕容垂位本州別駕道武平中山拜隱尚

書吏部郎積遷行臺右丞領選以老病乞骸骨不許尋以
母喪歸列人既葬被徵乃棄妻子匿於長樂數年而卒臨
終謂其子經曰汝等苟能入順父兄出悌鄉黨仕郡幸而
至功曹史以忠清奉之足矣不勞遠詣臺閣恐汝不能富
貴徒延門戶累耳若忘吾言是死若父也使鬼有知吾不
歸食矣隱弟宣字道茂與范陽盧玄勃海高允博陵崔建
從子愔俱被徵拜中書博士後拜侍郎行司徒校尉卒諡
曰簡侯宣子謨字乾仁襲爵卒於遼西太守子鸞襲爵位
東莞太守鸞弟瓊字普賢以孝稱母曾病季秋月思瓜瓊
夢相見之求而遂獲時人異之卒於家愔歷中書博士貞
外散騎常侍使江南爵列人子卒於廣平太守長子顯襲
爵顯無子養弟子弁為後

弁字義和父叔珍娶趙郡李敷妹因敷事而死弁至京師
見尚書李冲因言論移日冲異之退曰此人一日千里王
佐才也顯卒弁襲爵弁與李彪州里迭相祗好彪為祕書
丞請為著作佐郎遷尚書殿中郎中孝文嘗因朝會次歷
訪政道弁年少官微自下而對聲姿清亮進止可觀帝稱
善者又之因是大被知遇賜名為弁意取弁和獻玉楚王
不知寶之也遷中書侍郎兼負外散騎常侍使齊齊司徒
蕭子良祕書丞王融等皆稱美之以為志氣譽謬不逮李

彪而體韻和雅舉止閑邃過之轉散騎侍郎時散騎位在
中書之右孝文嘗論江左事問弁在南興亡之數弁以爲
蕭氏父子無大功於天下旣以逆取不能順守必不能貽
厥孫謀保有南海若物憚其威身免爲幸後車駕南征以
弁爲司徒司馬東道副將軍人有盜馬鞞者斬而徇於是
三軍震懼莫敢犯法黃門郎崔光薦弁自代帝不許亦賞
光知人未幾以弁兼司徒左長史時大選內外羣官弁定
四海士族弁專參銓量之任事多稱旨然好言人之陰短
高門大族意所不便者弁因毀之至於舊族淪滯而人非
可忌者又申達之弁又爲本州大中正姓族多所降抑頗
爲時人所怨遷散騎常侍尋遷右衛將軍領黃門弁屢自
陳讓帝曰五品爲相知者卿亦不可有辭豈得專守一官不
助朕爲政且常侍者黃門之庶兄領軍者三衛之假攝不
足空存推讓以棄大委其被知遇如此孝文北都之選李
冲多所參預頗抑宋氏弁恨冲而與李彪交結雅相知重
及彪之抗冲冲謂彪曰爾如狗耳爲人所噬及冲劾彪不
至大罪弁之力也彪除名弁大相嗟慨密圖申復孝文在
汝南不豫大漸旬餘日不見侍臣左右唯彭城王勰等數
人而已小瘳乃引見門下及宗室長幼諸人入者未能皆
致悲泣惟弁與司徒司馬張海歔歔流涕由是益重之車

駕征馬園留弁以本官兼祠部尚書攝七兵事及行執其
手曰國之大事在祀與戎故令卿縮攝二曹弁頓首辭謝
弁劬勞王事恩遇亞於李冲帝每稱弁可爲吏部尚書及
崩遺詔以弁爲之與咸陽王禧等六人輔政而弁先卒年
三十八贈瀛州刺史諡曰貞順弁性好矜伐自許膏腴孝
文以郭祚晉魏名門從容謂弁曰卿固當推郭祚之門弁
笑曰臣家未肯推祚帝曰卿自漢魏以來旣無高官又無
傷秀何得不推弁曰臣清素自立要爾不推侍臣出後帝
謂彭城王勰曰弁人身自不惡乃復欲以門戶自矜殊爲
可怪長子維字伯緒襲父爵爲給事中坐論事高肇出爲

益州龍驤府長史辭疾不行太尉清河王懌輔政以維名
臣子薦爲通直郎辟其弟紀行參軍靈太后臨政委任元
又恃寵憍盈懌每以公理裁斷又甚忿恨思害懌遂與維
作計以富貴許之維見又寵勢日隆乃告司染都尉韓文
殊父子謀逆立懌懌被錄禁中文殊父子懼而逃遁鞠無
反狀以文殊亡走懸處大辟置懌於宮西別館募兵守之
維應反坐又言於太后欲開將來告者之路乃黜爲燕州
昌平郡守紀爲秦州大羌令維及紀頗涉經史而浮薄無
行懌尊親懿望朝野瞻屬維受懌眷賞而無狀構間天下
士人莫不怪忿而賤薄之及又殺懌專斷朝政以維兄弟

前者告懌徵維為散騎侍郎紀為太學博士領侍御史又甚昵之維超遷通直常侍又除洛州刺史紀超遷尚書郎紀字仲烈初弁謂族弟世景言維踈險而紀識慧不足終必敗吾業世景以為不爾至是果然聞者以為知子莫若父尚書令李崇左僕射郭祚右僕射游肇每云伯緒凶踈終敗宋氏幸得殺身耳論者以為有徵後除營州刺史靈太后反政以又黨除名遂還鄉里尋追其前誣告清河王事於鄴賜死子春卿早亡弟紀以次子欽仁嗣欽仁武定末為太尉祭酒紀明帝末為北道行臺卒晉陽子欽道道仕齊歷位中山太守長於撫接然好察細事其州府

佐吏使人間者先酬錢然後敢食臨莅處稱為嚴整尋徵為黃門侍郎又令在東宮教太子吏事時鄭子默以文學見知亦被親寵欽道本文法吏不甚諳識古今凡有疑事必詢子默一人幸於兩宮雖諸王貴臣莫敢不敬憚欽道又遷祕書監仍帶黃門侍郎乾明初遷侍中與楊愔同誅贈吏部尚書趙州刺史弁族弟穎字文賢位魏郡太守納貨劉騰騰言之以為涼州刺史穎前妻劉氏亡後十五年穎夢見之拜曰新婦今被剋分為高宗妻故來辭君泣然涕流穎曰見崇言之崇後數日而卒穎族弟鴻貴為定州北平府參軍送戍兵於荊州坐取兵絹四百匹兵欲告之

乃斬兵十人又疏凡不達見令律有梟首罪乃生斷兵手以水澆之然後斬決尋坐伏法時人哀兵之苦笑馮貴之愚并族弟翻

翻字飛鳥少有操行世人以剛斷許之孝莊時除司徒左長史河南尹初翻爲河陰令順陽公主家奴爲劫攝而不送翻將兵圍主宅執主壻馮穆步驅向縣時正炎暑立之日中流汗霑地縣舊有大柳時人號曰彌尾青及翻爲縣主吏請焚之翻曰置南墻下以待豪右未幾有內監楊小駒詣縣請事辭色不遜翻命取尾青以鎖之小駒既免入許於宣武宣武大怒敕河南尹推之翻具自陳狀詔曰卿

故違朝法豈不欲作威以買名翻對曰造者非臣買名者亦宜非臣所以留者非敢施於百姓欲待凶暴之徒如駒者耳於是威振京師及爲洛陽迄於河南尹畏憚權勢更相承接故當世之名大致減損卒官贈侍中衛將軍相州刺史孝武初重贈驃騎大將軍儀同三司尚書左僕射雍州刺史諡曰貞烈翻弟毓字道和敦篤有志行卒於太中大夫子世良

世良字元友年十五便有膽氣後隨伯父翻在南兖州屢有戰功行臺臨淮王踐與語奇之魏朝以介朱榮有不臣跡帝將圖之密令踐將兵赴洛踐在梁郡稱疾假世良都

督令還南交發兵以聽期世良請簡見兵三千騎五日必到洛陽并陳三策賊皆不能從尋為殿中侍御史詣河北括戶人獲浮惰還見汲郡城旁多骸骨移書州郡悉令收瘞其夜甘雨滂沱河內太守田祐贖貨百萬世良檢按之未竟遇赦而還孝莊勞之曰知卿所括得十倍於本帳若官人皆如此用心便是更出一天下也其後遷殿中世良奏殿中主齊會之事請改付餘曹帝曰卿意不欲親庖厨邪宜付右兵以為永式河州刺史梁景叡抱罕羌首恃遠不敬其賀正使人頻年稱疾秦州刺史侯莫陳悅受其贈遺常為送表世良証奏科其罪帝嘉之謂長孫永業曰宋

郎中實有家風甚可重也後拜清河太守世良才識閉明允善政術在郡未幾聲問甚高陽平郡移掩劫盜三十餘人世良訊其情狀唯送十二人餘皆放之陽平太守魏明朗大怒云輒放吾賊及推問送者皆實放者皆非明朗大服郡東南有曲堤成公一姓阻而居之羣盜多萃於此人為之語曰寧度東吳會稽不歷成公曲堤世良施八條之制盜奔他境人又謠曰曲堤雖險賊何益但有宋公自屏跡齊天保初大赦郡無一囚率羣吏拜詔而已獄內穉生桃樹蓬蒿亦滿每日牙門虛寂無復訴訟者謂之神門其冬醴泉出於界內及代至傾城祖道有老人丁金剛者泣

而前謝曰老人年九十記三十五政府君非唯善政清亦
徹底今失賢者人何以濟莫不攀轅涕泣後卒於東郡太
守贈信州刺史世良強學好屬文撰字略五篇宋氏別錄
十卷子伯宗位侍御史性清退好學多所撰述至齊亡不
從職遂不入仕隋大業初卒於家世良弟世軌

世軌幼自脩整好法律天保初歷三尚書三公二千石都
官郎中兼并州長史執獄寬平多所全濟為都官郎中有
囚事枉將送垂致法世軌遣騎追止之切奏其狀遂免稍
遷廷尉少卿洛州人聚結欲劫河橋吏捕案之連諸元徒
黨千七百人崔昂為廷尉以為反數年不斷及世軌為少

卿判其事為劫唯殺魁首餘從坐悉舍焉大理正蘇珍之
以平幹知名寺中語曰決定嫌疑蘇珍之視表見裏宋世
軌時人以為寺中二絕南臺囚到廷尉世軌多雪之仍移
攝御史將問其濫狀中尉畢義雲不送移往復不止世軌
遂上書極言義雲酷擅文宣引見一人親敕世軌曰我知
臺欺寺久卿能執理抗衡但守此心勿慮不富貴敕義雲
曰卿比所為誠合死以志在疾惡故且一恕仍顧謂朝臣
曰此二人竝我骨鯁臣也及卒廷尉御史諸繫囚皆哭曰
宋廷尉死我等豈有生路贈光州刺史諡曰平無子世良
以第五子朝基嗣翻弟世景

世景少自脩工事親以孝聞與弟道璵下帷讀誦博覽群
言尤精經義族元弁甚重之舉秀才上第再遷彭城王勰
開府法曹行參軍勰愛其才學雅相敬慕孝文甚嘉異之
遷司徒法曹行參軍世景明刑理著律令裁決疑獄剖判
如流轉尚書祠部郎彭城王勰每稱曰宋世景精微尚書
僕射才也臺中疑事右僕射游肇常以委之世景既才長
從政加之夙勤不怠兼領數曹深著稱績左僕射源懷引
爲行臺郎巡祭州鎮千有餘所黜陟賞罰莫不咸允遷七
鎮別置諸戍明設亭候以備不虞懷大相委重還薦之宣
武以爲不減李冲帝曰朕亦聞之後爲伏波將軍行滎陽

太守鄭氏豪橫號爲難制濟州刺史鄭尚弟遠屬先爲苑
陵令多所受納百姓患之而世景下車召而誡之遠屬行
意自若世景繩之以法遠慶懼棄官亡走於是屬縣畏威
莫不改肅終日坐於聽事未嘗寢息人間之事巨細必知
發姦擿伏有若神明嘗有一吏休滿還郡食人鷄豚又有
一幹受人一帽又食二鷄世景叱而告之吏幹叩頭伏罪
於是上下震悚莫敢犯禁坐第道璵事除名世景友于之
性過絕於人及道璵死哭之酸感行路歲餘母喪遂不勝
哀而卒世景曾撰晉書竟未得就遺腹子季儒位太學博
士曾至譙宋閻爲文弔嵇康甚有理致後夜寢室壞獸而

殞時人悼傷惜之道璵少而敏俊自太學博士轉京兆王
愉法曹行參軍坐愉反得罪作詩及挽歌詞寄之朋親以
見寃痛道璵又曾贈著作郎張始均詩其末章云子深懷
璧憂余有當門病道璵既不免難始均亦遇世禍時咸怪
之道璵從孫孝王學涉亦好緝綴文藻形貌矬陋而好臧
否人物時論甚疾之爲北平王文學求入文林館不遂因
非毀朝士撰朝上別錄二十卷會周武滅齊改爲關東風
俗傳更廣聞見勒成三十卷以上之言多妄謬篇第冗雜
無著述體周大象末預尉迴事誅死

許彥字道謨高陽新城人也祖茂仕慕容氏高陽太守彥

少孤貧好讀書從沙門法叡受易太武徵令入筮頓駭遂

在左右參與謀議彥質厚慎密與人言不及內事帝以此
益親待之賜爵武晉曰久拜相州刺史在州受納多違法度
詔書切讓之然以彥腹心近臣弗之罪也卒諡宣公子熙
襲熙卒子安仁襲安仁卒子元康襲降爵爲侯熙弟宗之
歷位殿中尚書定州刺史封潁川公受敕討丁零既平宗
之因循郡縣求取節深澤人馬超以請示之宗之
殺超超家人乞宗宗之上超請宗之宗之

宗之懼罪訟超宗之遂斬於都

子恂字化禮

齊武平末度支郎中文紀第文
而睡不為勝流所重子文紀武平末度支郎中文紀第文

博學李長清等敏速達於從政位司徒主簿以明斷見知
時人號為入錄主簿稍遷陽平太守時遷都於鄴陽平為
畿西軍國書狀賦斂無準又勳貴屬請朝夕徵求博立御
之必通歲以無怨政為天下第一特加賞異圖形於關詔
鎮天下秦魏尹齊梁二州刺史政立有治聲遷大司農會
王忠文之據潁城王師出討博常督軍無乏絕引洧水灌
城博之策也遷殿中尚書博美鬚下垂至帶省中號長鬚
公齊文宣嘗因酒酣提博鬚稱美以刀截之唯留一握博

博因不復敢長人又號齊鬚公歷御史中丞膠州刺史司
農大理二卿再為度支尚書太子少保少師光祿大夫開
府儀同三司尚書右僕射特進賜爵万年縣子食邑下邳
郡千博年老致仕於家三年卒博少純直晚更浮動齊朝
舊式本州大中正以京官為之乾明中邢邵為中書監德
甚高博與邵競中正遂憑附宋欽道出邵為刺史朝議
鄙薄之雖久處朝行歷官清顯與邢邵魏收陽休之崔
徐之才比肩同列諸人或談說經史或吟詠詩賦更相
戲笑滿堂博不好劇談又無學術或坐杜口或隱几
而睡不為勝流所重子文紀武平末度支郎中文紀第文

勤學方雅身無擇行口無戲言武平末殿中侍御史隋
高皇初侍御史兼通直散騎常侍聘陳使副主爵侍郎卒
相州長史博兄遜字仲讓有幹局乾明中平原太守卒
贈信州刺史遜子文高司徒掾

刁靡字淑和勃海饒安人也曾祖協從晉元帝度江居京
口位尚書令父暢晉右衛將軍初晉相劉裕微時負社錢
二万違時不還暢兄達執而徵焉及誅桓玄以嫌先誅刁

暢故吏遂奔姚興為太子中庶子及姚泓滅與司
之等歸魏請於南境自効明元假靡建威將軍靡遂
濟間招集流散傳檄邊境靡弟彌時亦率衆入京口

和共討裕裕頻遣兵破之明元南幸鄴靡朝於行宮明元
問曰縛劉裕者於卿親疎靡曰伯父帝笑曰劉裕父子當
應憚卿於是假靡鎮東將軍青州刺史東光侯使別立義

年又詔靡令隨機立効靡於是招集譙梁彭沛人五千餘

家置二十七營遷鎮濟陰遷徐州刺史賜爵東安伯後除
薄骨律鎮將靡以西土之雨表求鑿渠溉公私田又奉詔
以高平安定統萬及薄骨律等四鎮出車牛五千乘運屯
穀五十万斛付沃野以供軍糧道多深沙車牛艱阻求於
牽屯山河水之次造船水運又以所縮邊表常懼不虞造
城儲穀置兵備守詔皆從之詔即名此城為刁公城以旌

功焉皇興中薨與隴西王源賀及中書監高允等竝以耆
年特見優禮錫薨几杖劍履上殿月致珍羞焉薨性寬柔
好尚文典手不釋書明敏多智凡所爲詩賦論頌并諸雜
文百有餘篇又汎施愛士恬靜寡欲篤信佛道著教誡二
十餘篇以訓子孫太和八年卒年九十五謚曰簡子遵
遵字奉國襲爵遵少不拘小節長更脩改太和中例降爲
侯嘗經篤疾幾死見有神明救之言福門子當享長年後
卒於洛州刺史謚曰惠侯子楷早卒楷子冲

冲字文朗十三而孤孝慕過人其祖母司空高允女聰明
婦人也哀其早孤撫養尤篤冲免喪後便志學他方高氏

泣涕留之冲終不止雖家世貴達及從師於外自同諸生
于時學制諸生悉日直監厨冲雖有僕隸不令代己身自
炊爨每師受之際發志精專不捨晝夜殆忘寒暑學通諸
經偏脩鄭說陰陽圖緯算數天文風氣之書莫不閑綜當
世服其精博刺史郭祚聞其盛名訪以疑義冲應機解辯
無不衽其父惑後太守范陽盧尚之刺史河東裴桓竝徵
冲爲功曹主簿非所好也受署而已不閑事務唯以講學
爲心四方學徒就其受業者歲有數百冲雖儒生而執心
壯烈不畏強禦延昌中帝舅司徒高肇擅恣威權冲乃抗
表極言其事辭旨懇直文義忠憤太傅清河王懌覽而歎

息先是冲曾祖雖作行孝論以誡子孫稱古之葬者衣之以薪不封不樹後世聖人易之以棺槨至素以後生則不能致養死則厚葬過度及於末世至遽除異骨裸而葬者確而為論並非折衷既知二者之失豈宜同之當令所存者棺厚不過三寸高不過三尺費用繒綵斂以時服輜車止用白布為幔不加畫飾名為清素車又去挽歌方相并明器雜物及冲祖遵將卒敕其子孫令奉雖遺旨河南尹丞張普惠謂為太儉貽書於冲叔整令與通學議之冲乃致書國學諸儒以論其事學官竟不能答神龜末冲以嫡傳祖爵東安侯京兆王繼為司空也竝以高選類碑記

參軍明帝將親釋奠於是國子助教韓神固與諸儒詣國子祭酒崔光吏部尚書甄琛舉其才學奏而徵焉及卒國子博士高涼及范陽盧道休盧景裕等復上狀陳冲業行議奏論曰安憲先生祭以大牢子欽字志儒早亡楷弟整字景智少有大度頗涉書史太和十五年為奉朝請孝文都洛親自臨選除司空法曹參軍累遷黃門郎普泰初假征東大將軍滄冀瀛三州刺史大都督尋加車騎將軍右光祿大夫遂逢本鄉賊亂奉母客於齊州既而母卒母即高允之女崔光崔亮皆經允接待是以涼燠之際光等每致拜焉天平四年卒於鄴贈司空公諡曰文獻整解音律

輕財好施交結名勝聲酒自娛然貪而好色為議者所貶
子柔

宋字子溫少好學留心儀禮性強記至於氏族內外皆所
諳悉居母喪以孝聞初為魏宣武挽郎解巾司空行參軍
齊天保初累遷國子博士中書令魏收撰魏史啓柔等同
其事柔性專固自是所聞收常嫌憚又參議律令時議者
以為五等爵邑承襲無嫡子立嫡孫無嫡孫立嫡子弟無
嫡子弟立嫡孫弟柔以為無嫡孫應立嫡曾孫不應立嫡
子弟議曰案禮立嫡以長故謂長子為嫡子嫡子死以嫡
子之子為嫡孫死則曾玄亦然然則嫡子之名本為傳重

故喪服曰庶子不為長子二年不繼祖與禰也禮公儀仲
子之喪檀弓曰我未之前聞也仲子舍其孫而立其子何
也子服伯子曰仲子亦猶行古之道也昔者文王舍伯邑
考而立武王發微子舍其孫贖而立其弟衍鄭注曰仲子
為親者諱耳立子非也文王之立武王權也微子嫡子死
立弟衍殷禮也子游問諸孔子孔子曰不立孫注商以嫡
子死立嫡子之母弟周以嫡子死立嫡子之子為嫡孫故
春秋公羊之義嫡子有孫而死質家親親先立弟文家尊
尊先立孫喪服云為父後者為出母無服小記云祖父卒
而後為祖母後者三年為母無服喪者不祭故也為祖母

三年者大宗傳重故也今議以嫡孫死而立嫡子母弟嫡子母弟者則為父後矣嫡子母弟本非承嫡以無嫡故得為父後則嫡孫之弟理亦應得為父後則是父卒然後為祖後者服斬既得為祖服斬而不得為傳重末之間也若用商家親親之義本不應舍嫡子而立嫡孫若從周家尊尊之文豈宜舍其孫而立其弟或文或質愚用惑焉小記云嫡婦為舅姑後者則舅姑為之小功注云謂夫有廢疾他故若死無子不受重者小功庶婦之服凡父母於子舅姑於婦將不傳重於嫡及將所傳重者非嫡服之皆如衆子庶婦也言死無子者謂絕世無子非謂無嫡子如其子

焉得云無後夫雖廢疾無子婦猶以嫡為名嫡名既在而欲廢其子者如禮何有損益革代相必謂宗嫡可得而變者則為後服斬亦宜有因而改七年卒柔在史館未久勅成之際志在偏黨魏書中與其內外通親者立虛美過實為時論所譏整弟宣字季達以功封高城縣侯歷位都官尚書衛大將軍滄州刺史卒贈太尉公諡曰武刀氏世有榮貴而門風不甚脩潔為時所鄙雍族孫雙字子山高祖數為齊郡太守數因晉亂居青州之安樂至雙始歸本鄉雙少好學兼涉文史雅為中山王英所知賞位西河太守為政清簡吏人安悅及中山王熙起兵誅元又事敗熙

弟略投命於雙雙藏護周年時購略甚切略懼求送出境
雙曰會有一死所難遇耳今遭知己視死如歸願不以爲
慮略復苦求南轉雙乃遣從子昌送達江左靈太后反政
知略因雙獲濟徵拜光祿大夫時略姊饒安主刀宣妻也
頻許靈太后乞徵略還朝廷乃以徐州所獲俘江革祖暉
二人易之以雙與略有舊乃令至境迎接明帝末除西兗
州刺史時賊盜蜂起州人張挑弓等招聚亡命公行劫掠
雙至境先遣使諭挑弓陳示禍福挑弓即隨使歸罪雙捨
而不問後有盜發之颶令挑弓追捕咸悉禽獲於是州境
清肅孝莊初行濟州刺史以功封曲城鄉男孝武初遷驍
騎大將軍左光祿大夫興和三年卒贈車騎大將軍儀同
三司齊州刺史諡曰清穆

辛紹先隴西狄道人也五世祖怡晉幽州刺史父深仕西
涼爲驍騎將軍及涼後主歆與沮渠蒙遜戰於蓼泉軍敗
失馬深以所乘授歆而身死於難以義烈見稱西土涼州
平紹先內徙家於晉陽明敏有識量與廣平游明根范陽
盧度世同郡李承昭等甚相友有至性丁父憂三年口不
甘味頭不擲沐髮遂落盡故常著垂裙卓帽自中書博士
轉神部令皇興中薛安都以彭城歸魏時朝廷欲綏安初
附以紹先爲下邳太守爲政不甚皦察舉其大綱而已唯

教人爲產禦賊之備及宋將陳顯達蕭道成蕭順之來寇道成謂順之曰辛紹先未易侵也宜共慎之於是不歷郡境徑屯呂梁卒於郡贈并州刺史晉陽侯謚曰惠子鳳達耽道樂古有長者之名卒於京北工子推國常侍鳳達子祥字萬福舉司州秀才再遷司空主簿咸陽王禧妃即祥妻之妹也及禧構逆親知多罹塵謗祥獨蕭然不預轉并州平北府司馬有白壁還兵藥道顯被誣爲賊官屬咸疑之祥曰道顯面有悲色察獄以色其此之謂乎苦執申之月餘別獲真賊後除郢州龍驤府長史帶義陽太守白早生之反也梁遣來援因此緣淮鎮戍相繼降沒唯祥堅城

固守梁又遣將胡武城陶平虜於州南金山之上連營侵逼祥出其不意襲之賊大崩禽平虜斬武城以送京師州境獲全論功方有賞授而刺史婁悅取勲出其下間之執政事竟不行胡賊劉龍駒作逆華州除祥安定王燮征虜府長史仍爲別將與討胡使薛和滅之卒贈南青州刺史祥弟少雍字季和少聰穎有孝行尤爲祖父紹先所愛紹先性嗜羊肝常呼少雍共食及紹先卒少雍終身不食肝性仁厚有禮義門內之法爲時所重稍遷司空高陽王雍田曹參軍少雍清正不憚強禦積年久訟造次決之請託路絕時稱堅明正始中詔百官各舉所知高陽王雍及吏

晉郎中李憲俱以少雍為舉首卒於給事中少雍妻王氏
有德義少雍與從弟懷仁兄弟同居懷仁等事之甚謹閨
門禮讓無間焉士大夫以此稱美子元桓武定中儀同
府司馬元桓弟士孫太師開府功曹參軍鳳達弟穆字叔
宗舉茂才東雍州別駕初隨父在下邳與彭城陳敬文友
善敬文弟敬武少為沙門從師遠學經久不返敬文病臨
卒以雜綾二十匹託穆與敬武穆久不得見經二十年始
於洛陽見敬武以物還之封題如故世稱廉信歷東荊州
司馬轉長中帶義陽太守領戍雅有恤人之志再轉汝陽
太守遇水滂人饑上表請輕租賦帝從之遂救汝陽一郡
聽以小綃為調除平原相徵為征虜將軍太中大夫未發
卒於郡贈後將軍幽州刺史子子馥字元穎早有學行累
遷平原相父子竝為此郡吏人懷安之元顥入洛子馥不
從莊帝反政封三門縣男天平中除太尉府司馬白山連
接三齊瑕丘數州之界多有賊盜子馥受使檢覆因辯山
谷要害宜立鎮戍之所又諸州豪右在山鼓鑄姦黨多依
之又得密造兵仗上表請破罷諸冶朝廷善而從之後卒
於清河太守子馥以三傳經同說異遂總為一部傳注竝
出校比短長會亡未就

韋閔字友觀京兆杜陵人也世為三輔冠族祖楷晉長樂

清河一郡太守父達慕容垂大長秋卿闈少有器望遇慕容氏政亂避地薊城太武初徵拜咸陽太守轉武都太守卒郡子範試守華山郡賜爵高平男卒範子雋字穎超早有學少孤事祖母以孝聞性溫和廉讓為州里所稱太和中襲爵歷位都水使者宣武崩領軍于忠矯擅威刑雋與左僕射郭祚昏嫁故亦同時遇害臨終訴枉於尚書元欽欽知而不敢申理雋歎曰吾一生為善未蒙善報常不為惡今為惡終悠悠蒼天抱直無訴時人咸怨傷焉熙平元年追贈洛州刺史諡曰貞子子祭

子祭字暉茂齊王蕭寶夤為雍州刺史引為府主簿轉錄

參軍及寶夤反子祭與弟子爽執志不從相率逃免

賜爵長安子晉泰中累遷中書侍郎孝武帝入閔子

歷行臺左丞南汾州刺史少弟道諧為鎮城都督元象

齊神武命將出討子祭及道諧俱被獲送於晉陽子祭

遷南兖州刺史齊天保初封西華縣男後卒於豫州刺

諡曰忠子祭兄弟十三人並有孝行居父喪毀瘠過禮

葬廬於墓側負土成墳弟榮亮最知名榮亮字子昱博

學有文才德行仁孝為時所重歷諫議大夫衛大將軍卒

贈河州刺史子綱字世紀有操行才學見稱領袖本州調

為中正開皇中位趙州長史有子文宗文闡並知名闡從

叔道福父罷為符堅丞相王猛所器重以女妻焉仕堅為東海太守堅滅奔江左仕宋為秦州刺史道福有志略仕宋位盱眙南沛二郡太守領鎮北府錄事參軍與徐州刺史薛安都謀擁州內附賜爵高密侯因家彭城卒贈兗州刺史諡曰簡子欣宗以歸國勲別賜爵杜縣侯歷位太中大夫行幽州事卒贈南兗州刺史諡曰簡闕從子崇字洪基父肅字道壽隨劉義真度江位豫州刺史崇年十歲父卒母鄭氏攜以入魏因寓居河洛少為舅兗州刺史鄭羲所器賞位司徒從事中郎孝文納其女為充華嬪除南潁州太守不好發擿細事恒云何用小察以傷大道吏人感之郡中大安帝聞而嘉賞賜帛二百匹遷洛以崇為司州中正尋除咸陽王禧開府從事中郎復為河南邑中正崇頻居衡品以平直見稱出為鄉郡太守更滿應代吏人詣闕乞留復延三年後卒子猷之釋褐奉朝請轉給事中步兵校尉稍遷前後將軍太中大夫卒猷之弟休之貞和自守未嘗言行忤物歷位給事中河南邑中正安西將軍光祿大夫卒子道建道儒閭族弟珍字靈智孝文賜名焉父子尚字文叔位樂安王良安西府從事中郎卒贈雍州刺史珍少有志操歷位尚書南部郎孝文初蠻首桓誕歸款朝廷思安邊之略以誕為東荊州刺史令珍為使與誕招

烈靈左珍至桐栢山窮淮源宣揚恩澤莫不懷附淮源舊
有祠堂蠻俚恒用人祭之珍乃曉告曰天地明靈即人之
父母豈有父母甘子肉味自今宜悉以酒脯代用羣蠻從
約自此而改凡所招降七萬餘戶置郡縣而還以奉使稱
旨賜爵霸城子後以軍功進爵為侯累遷顯武將軍郢州
刺史所在有聲績朝廷嘉之遷龍驤將軍賜驊騮二匹帛
五十匹穀三百斛珍乃召集州內孤貧者謂曰天子謂我
能撫綏卿等故賜以穀帛吾何敢獨當遂以所賜悉分與
之尋轉荊州刺史與尚書盧陽烏征赭陽為齊將桓歷生
蔡道恭所敗免歸鄉里臨別謂陽烏曰主上聖明志吞吳
會用兵機要在於上流若有事荆楚恐老夫復不得濟耳
後車駕征鄧沔復起珍為中軍大將軍彭城王勰長史鄧
沔既平試守魯陽郡孝文復南伐路經珍郡加中壘將軍
正太守珍從至清水帝曰朕頃戎車再駕卿恒翼務中軍
今日之舉亦欲引卿同行但三鷗嶮要非卿無以守也因
敕還及孝文崩於行宮祕匿而還至珍郡始發大諱還除
中散大夫尋加鎮遠將軍太尉諮議參軍卒贈本將軍青
州刺史諡曰懿長子績字遵彥年十三補中書學生聰敏
明辯為博士李彪所稱再遷侍御中散孝文每與德學沙
門談論往復績掌綴錄無所遺漏頗見知賞累遷長兼尚

書左丞壽春內附尚書令王肅出鎮揚州請續行為州長
史加平遠將軍帶梁郡太守肅薨敕續行州事任城王澄
代肅為州復啓續為長史澄出征之後梁將姜慶真乘虛
攻襲遂據外郭雖尋克復續坐免官卒續弟彧字遵慶亦
有學識解褐奉朝請稍遷平遠將軍東豫州刺史綏懷蠻
左頗得其心蠻酋田益宗子魯生魯賢先叛父南入數為
寇掠自彧至州魯生等咸戕啓脩敬不復為害彧以蠻俗
不識禮儀乃立太學選諸郡生徒於州總教又於城北置
崇武館以習武焉州境清肅罷還遇大將軍京兆王繼西
征請為長史尋以本官兼尚書為幽夏行臺以功封陰盤

縣男卒贈撫軍將軍雍州刺史謚曰文子虬龍孝莊不為
藍田太守因仕關西虬弟融以軍功賜爵長安伯稍遷大
司馬開府司馬融娶司農卿趙郡李暹女疑其妻與章武
王景哲姦通乃刺殺之懼亦自殺弟肱字遵顯少有志業
年十八辟州主簿時屬歲儉肱以家粟造粥以飼飢人所
活甚衆解褐太學博士稍遷右軍將軍為荆郢和羅大使
南郢州刺史田夷啓稱肱父珍往任荊州恩洽夷夏乞肱
充南道別將領荊州驍勇共為腹背詔從之未幾行南荆
州事遷東徐州刺史梁遣其郢州刺史曹璉愷率眾來寇
肱於石羊岡破斬之

謚曰宣長子鴻字道衍頗有幹用累遷中書舍人天平三年坐漏泄賜死於家

杜銓字士衡京兆人晉征南將軍預五世孫也祖胄將堅太尉長史父疑慕容垂祕書監仍僑居趙郡銓學涉有長者風與盧玄高允等同被徵為中書博士初密太后父豹喪在濮陽太武欲令迎葬於鄴謂司徒崔浩曰天下諸杜何處望高朕今方改葬外祖意欲取杜中長老一人以為宗正令營護凶事浩曰京兆為美中書博士杜銓其家今在趙郡是杜預後於今為諸杜最密召見銓器貌瓌雅太武感悅謂浩曰此真吾所欲也以為宗正令與杜超子道

生送豹喪柩致葬鄴南銓遂與超如親超謂銓曰既是宗近何緣僑居趙郡乃延引同屬魏郡再遷中書侍郎賜爵新豐侯卒贈相州刺史魏縣侯謚曰宣子振字季元舉秀才卒於中書博士振子遇字慶期位尚書起部郎竊官材瓦起立私宅清論鄙之卒於河東太守贈都官尚書豫州刺史謚曰惠銓族孫景字宣明學通經史州府交辟不就景子裕字慶延雖官非貴仕而文學相傳仕齊位止樂陵令齊亡退居教授終于家子正玄字知禮少傳家業耽志經史隋開皇十五年舉秀才試策高第曹司以策過左僕射楊素怒曰周孔更生尚不得為秀才刺史何忽妄舉此

人可附下考乃以策抵地不視時海內唯正玄一人應秀才餘常貢者隨例銓注訖正玄獨不得進止曹司以選期將盡重以啓素素志在試退正玄乃手題使擬司馬相如上林賦王褒聖主得賢臣頌班固燕然山銘張載劔閣銘白鸚鵡賦曰我不能為君住宿可至未時令就正玄及時竝了素讀數徧大驚曰誠好秀才命曹司錄奏屬吏部選期已過注色令還期年重集素謂曹司曰秀才杜正玄至又試官人有奇器闕竝立成文不加點素大嗟之命吏部優叙曹司以擬長寧主記室參軍時素情背曹官及見曰小人不盡其才也晉王廣方鎮揚州妙選府寮乃以正玄

為晉王府參軍後豫章王鎮揚州又為豫章王記室卒正玄弟正藏字為善亦好學善屬文開皇十六年舉秀才時蘇威監選試擬賈誼過秦論及尚書湯誓匠人箴連理樹賦几賦應時竝就又無點竄時射策甲第者合奏曹

司難為 奏抑為乙科正藏訴屈威怒改為景第授純州

行參軍遷梁郡下邑縣正大業中與劉炫同以學業該通應詔被舉時正藏弟正儀貢充進士正倫為秀才兄弟三人同時應命當世嗟美之著作郎王劭奏追脩史司穀大夫薛道衡奏擬從事竝以見任且放還九年從駕征遼為夫餘道行軍長史還至涿郡卒正藏為文迅速有如宿構

曾令數人竝執紙筆各題一文正藏口授俱成皆有文理
為當時所異又為文軌二十卷論為文體則甚有條貫後
生寶而行之多資以解褐大行於世謂之杜家新書云
論曰宋隱操行貞白遺略榮名宣惜竝保退素感見徵辟
可謂德門者矣義和以才度見知迹參顧命拔萃出類當
有以哉無子之歎豈徒羊舌宗祀不亡蓋其幸也翻剛鯁
自立猛而斷務世良昆季雅有家風道謨卜筮取達季良
累於學淺刁靡才識恢遠著聲立事禮遇優隆世有人爵
堂構之義也辛韋不殞門風杜銓所在為重正玄難兄難
弟信為美哉

列傳第十四

北史二十六

方洽周益 周之冕 孫粹然 校正

卷五

傳第十四

北史二十六

傳第十五

北史二十七

屈遵

張蒲

谷渾
曾孫楷

公孫表

張濟

李完

賈彝

竇瑾

李訢

韓延之

袁式

毛脩之

嚴陵朱脩之

唐知

寇讚

孫儵

酈範

子道元

韓秀

堯暄

孫雄

柳崇

屈遵字子度昌黎徒何人也博學多才藝慕容垂以為

陸令道武南伐博陵太守申承之奔河外高陽太守崔宏

東走海濱屬城長史率多逃竄過獨歸道武道武素聞其

名拜中書令中原既平賜爵下菴公子卒子須襲爵除長樂

太守進爵信都侯卒贈昌黎公諡曰恭須長子恒字長生

沈粹有局量歷位尚書右僕射加侍中以破平涼功賜爵

濟北公太武委以大政車駕出征常居中留鎮與襄城公

盧黃元俱賜甲第真君四年墜馬卒時帝幸陰山景穆遣

使乘傳奏狀帝甚悼惜之謂使人曰汝等殺朕良臣何用

乘馬遂令步歸贈征西大將軍諡曰成公子道賜襲爵道

賜善騎射機辯有辭氣太武甚器位尚書右僕射加侍

用此一合開後
世之基

中卒謚曰哀公子拔襲爵帝追思其父祖年十四以為南
部大人時太武南伐禽守將胡盛之
以付拔酒醉不覺盛
之逃太武令斬之將伏鎖帝愴然曰世
石鬼有知長生問其
子孫朕將何以應乃赦拔後獻文以甘
不功臣子拜營州刺
史

張蒲字玄則河內脩武人也本名謨之
季仕慕容垂位兵
部尚書以清方稱蒲少有父風仕慕容
夏為尚書左丞道
武定中山寶官司叙用多降品秩帝既妻
小聞蒲名仍拜尚
書左丞明元即位為內都大官賜爵泰昌
子參決庶獄私
謁不行後改為壽張子太武即位以蒲清
貞妻子衣食不

給乃以為相州刺史扶弱抑彊道善黜惡風化大行卒於
官吏人痛惜之蒲在謀臣之列屢出為將朝廷論之常以
為稱首贈平東將軍廣平公謚曰文恭子昭襲以軍功進
爵脩武侯位幽州刺史以善政見稱

谷渾字元冲昌黎人也父衮鸞弓三百斤勇冠一時仕慕
容垂位廣武將軍渾少有父風任俠好氣晚乃折節授經
業被服類儒者道武時以善隸書為內侍左右太武時累
遷侍中儀曹尚書賜爵濮陽公渾正直有操行性不苟合
然愛重舊故不以富貴驕人時人以此稱之在官廉直為
太武所器重以渾子孫年十五以上悉補中書學生卒謚

曰文宣子闡字崇基襲爵位外都大官卒謚曰簡公子洪
字元孫位尚書賜爵滎陽公性貪奢僕妾衣服錦綺時獻
文舅李峻等初至官給衣服洪輒截沒為有司所糾并窮
其前後贓罪伏法子穎位太府少卿卒贈營州刺史謚曰
貞子士恢字紹達位鴻臚少卿封元城縣侯太后嬖幸鄭
儼懼紹達間構於帝因言次以紹達為州紹達耽寵不願
出太后誣其罪殺之渾管孫楷楷有幹局稍遷奉車都尉
眇一目性甚嚴烈前後奉使皆以酷暴為名時人號曰瞎
武累遷城門校尉卒

公孫表字玄元燕郡廣陽人也為慕容沖尚書郎慕容垂
破長子從入中山慕容寶走乃歸為博士初道武以慕容
垂諸子分據勢要權柄推移遂至亡滅表詣闕上韓非書
二十卷道武稱善明元初賜爵固安子河西飢胡劉武反
於上黨詔表討之為胡所敗帝深銜之太常七年宋武帝
殂時議取河南侵地以奚斤為都督以表為吳兵將軍廣
州刺史表既剋滑臺遂圍武牢車騎次汲郡始昌子蘇坦
太史令王亮奏表置軍武牢東不得形便之地故令賊不
時滅明元雅好術數又積前忿及攻武牢士卒多傷乃使
人夜就帳中縊殺之以賊未退祕而不宣初表與勃海封
愷友善後為子求愷從女愷不許表甚銜之及封氏為司

馬國璠所逮帝以舊族欲原之表證其罪乃誅封氏表外
 和內忌時人以此薄之表本與王亮同營署及其出也輕
 侮亮故及於死第一子軌字元慶明元時為中書郎出從
 征討補諸軍司馬太武平赫連昌引諸將帥入其府藏各
 令任意取金玉諸將取之盈懷軌獨不取帝把手親探金
 賜之謂曰卿臨財廉朕所以增賜者欲顯廉於衆人後兼
 大鴻臚持節拜立氏楊玄為南秦王及境玄不郊迎軌數
 玄無蕃臣禮玄懼請郊受命使還稱旨拜尚書賜爵燕郡
 公出為武牢鎮將初太武將北征發驢以運糧使軌部調
 雍州軌令驢主皆加絹一匹乃與受之百姓語曰驢無疆

到設河

弱輔脊自壯眾共嗤之坐徵還卒軌既死帝謂崔浩曰吾
 過上黨父老皆曰公孫軌為將受貨縱賊使至今餘姦不
 除軌之罪也其初來單馬執鞭及去從車百兩載物而南
 丁零渠帥乘山罵軌軌怒取罵軌者之母以矛刺其陰而
 死之曰何以生此逆子從下到劈分磔四支於山樹上是
 忍行不忍之事軌幸而早死至今在者吾必族誅之軌終
 得娶封氏生子叡字叔文位儀曹長賜爵陽平公時獻文
 於苑內立殿敕中祕羣官制名叡奏曰臣聞至尊至貴莫
 崇於帝王天人挹損莫大於謙光臣愚以為宜曰崇光奏
 可卒於南部尚書謚曰宣叡妻崔浩弟女也生子良字遵

伯聰明好學為尚書左丞為孝文所知遇良弟衡字道津
良推爵讓之仕至司直良以別功賜爵昌平子崇基襲
軌弟質字元直有經義為中書學生稍遷博士太武征涼
州留宜都王穆壽輔景穆時蠕蠕乘虛犯塞京師震恐壽
雅信任質為謀主質性好卜筮卜筮者咸云必不來故不
設備由質幾敗國後屢進讜言超遷尚書卒贈廣陽侯謚
曰恭第二子邃字文慶位南部尚書封襄平伯出為青州
刺史以邃在公遺迹可紀下詔褒述卒官孝文在鄴宮為
之舉哀時百度唯新青州佐吏疑為邃服詔曰專古也理
與今違專今也太乖曩義當斟酌兩途商量得夫人吏之
情亦不可苟順也主簿云近代不服斬過葬便可如故
自餘無服大成寥落可準諸境內之人為齊衰三月子同
始龍襲爵卒於給事中邃睿為從父兄弟睿才器小優又封
氏之男崔氏之婿邃母鴈門李氏地望懸隔鉅鹿太守祖
季真多識北方人物每云士大夫當須好婚親二公孫同
堂兄弟耳吉凶會集便有士庶之異

張濟字士度西河人也父千秋慕容永驍騎將軍永滅來
奔道武善之拜建節將軍賜爵成紀侯流涉獵書傳清辯
善儀容道武愛之與公孫表等俱為行人拜散騎侍郎襲
爵先是晉雍州刺史楊佺期乞師於常山王遵以禦姚興

帝遣濟為導從事即報之濟自襄陽還帝問濟江南事濟曰司馬昌明死子德宗代立君弱臣彊全無綱紀佺期間臣魏初伐中山幾十萬衆臣答中軍精騎十餘萬佺期曰魏被甲戎馬可有幾匹臣答中軍精騎十餘萬外軍無數佺期曰以此討羌豈不滅也又曰魏定中山徙幾戶於北臣答七萬餘家佺期曰都何城臣答都平城佺期曰有此大衆何用城為又曰魏帝欲為少都平城將移也臣答非所知也佺期間朝廷不都山東貌有喜色曰洛城救援仰恃於魏若獲保全當必厚報如為羌所襲寧使魏取道武嘉其辭厚賞其使許救洛陽後以累使稱旨拜勝兵將軍卒子多

羅襲爵坐事除

李先字容仁中山盧奴人少好學善占相術慕容永迎為謀主勸永據長子城仕永位祕書監永滅徙中山皇始初先於井陘歸道武問先曰卿何國人祖父及身悉歷何官先曰臣本趙郡平棘人大父重晉平陽太守大將軍右司馬父懋石季龍樂安太守左中郎將臣符丕左主客郎慕容永祕書監高密侯車駕還代以先為尚書右中兵郎再遷博士定州大中正帝問先何者最善可以益人神智先曰唯有經書三皇五帝政化之典可以補王者神智又問朕欲集天下書籍如何對曰主之所好集亦不難帝於是

班制天下經籍稍集太武討姚興於柴壁也問計於先對
曰兵以正合戰以奇勝聞姚興欲屯兵天渡利其糧道及
其到前遣奇兵先邀天渡柴壁左右嚴設伏兵備其表裏
興欲進不得住又乏糧夫高者為敵所棲深者為敵所囚
兵法所忌而興居之可不戰而取帝從其計興果敗歸明
元即位問左右舊臣中誰為先帝所親信新息公王洛兒
曰有李先者為先帝所知俄而召先讀韓子連珠論二十
二篇太公兵法十一事詔有司曰先所知者皆軍國大事
自今常宿於內賜先絹綵及御馬一匹拜安東將軍壽春
侯賜隸戶二十二卒於內都大官年九十五詔賜金縷命

服一襲贈定州刺史中山公謚曰文懿子國襲爵國子鳳
中書博士鳳子預字元凱太和初歷祕書令齊郡王友征
西大將軍長史帶馮翊太守府解罷郡遂居長安羨古人
殮玉法乃採訪藍田躬往攻掘得若環璧雜器形者大小
百餘頗有麤黑者亦篋盛以還至而觀之皆光潤可玩預
乃椎七十枚為屑食之餘多惠人後預及聞者更求玉於
故處皆無所見馮翊公源懷弟得其玉琢為器佩皆鮮明
可寶預服經年云有效驗而世事寢食皆不禁節又加好
酒損志及疾篤謂妻子曰吾酒色不絕自致於死非藥過
也然吾尸體必當有異勿速殮令後人知殮服之妙時七

已得漢力美豈
尸解乎

月中旬長安毒熱預停屍四宿而體色不變其妻常氏以
玉珠二枚含之口閉常謂曰君自云殮玉有神驗何不受
嗆言訖齒啓納珠因噓其口都無穢氣舉斂於棺堅直不
傾委死時有遺玉屑數升囊盛納諸棺中先少子皎天興
中密問先曰子孫永為魏臣將復事他姓邪先曰國家政
化長遠不可紀極皎為寇謙之弟子遂服氣絕粒數十年
隱於恒山年九十餘顏如少童一旦沐浴冠帶家人異之
俄而坐卒道士咸稱其得尸解仙道皎孫義徽太和中以
儒學博通有才華補清河王懌府記室歲書表疏文不加
點清典贍速當世稱之又為懌撰輿地圖及顯忠錄性好

老莊甚嗜釋教靈太后臨朝屬有沙門惠憐以呪水飲人
云能愈疾百姓奔湊日以千數義徽白懌稱其妖妄因令
義徽草奏以諫太后納其言元又惡懌徙義徽都水使者
俄而懌被害因棄官隱於大房山少子蘭以純孝著聞不
受辟召孝昌中旌表門閭正光中文宣王嘗嗣位思義徽
雅正博篤薦其孫景儒位至奉車都尉自皇始至齊受禪
百五十歲先之所言有明徵焉景儒子昭微博涉稽古脫
略不羈時人稱其為播郎因以字行於燕趙焉善談論有
宏辯屬文任氣不拘常則志好隱逸慕葛洪之為人尋師
訪道不遠千里遇高尚則傾蓋如舊見庸詭雖王公蔑如

顏似老夫不意
千古有此同調

初為道士中年應詔舉為高唐尉大業中將妻子隱於嵩山號黃冠子有文集十卷為學者所稱

賈彞字孝倫本武威姑臧人也六世祖敷魏幽州刺史廣川都亭侯子孫因家焉父為符堅鉅鹿太守坐訕謗繫獄彞年十歲詣長安訟父獲申遠近歎之僉曰此子英英賈誼之後莫之與京弱冠為慕容垂遼西王農記室參軍道武先聞其名常遣使者求彞於垂垂彌增器敬垂遣其太子寶來寇大敗於參合執彞及其從兄代郡太守潤等道武即位拜尚書左丞參預國政天賜末彞請詣溫陽療疾為叛胡所掠送於姚興積數年遁歸又為赫連屈丐所執

拜祕書監卒太武平赫連昌子秀迎其尸祔葬於代建秀位中庶子賜爵陽都男本州大中正獻文即位進爵陽都子時丞相乙渾妻庶姓而求公主之號屢言於秀秀默然後因公事就第見渾渾夫妻同坐厲色曰爾管攝職事無所不從我請公主不應何意秀慷慨大言對曰公主之稱王姬之號尊寵之極非庶族所宜秀寧就死於今朝不取笑於後日渾左右莫不失色為之振懼秀神色自若渾夫妻默然含忿他日乃書太醫巫給事楊惠富臂作老奴官慳字令以示秀渾每欲伺隙陷之會渾伏誅遂免難時秀與中書令勃海高允俱以儒舊重於時皆選擬方岳以詢訪

被留各聽長子出為郡秀固讓不受許之自始及終歷奉
五帝雖不至大官常當機要廉清儉約不營資產年七十
三遇疾詔給醫藥賜几杖時朝廷舉動及大事不決每遣
尚書高平公李敷就第訪決卒贈冀州刺史武邑公諡曰
簡子雋字良隣襲爵位荊州刺史依例降爵為伯先是上
治置荊州後改為汝州在重山人不知學雋表置學官在
州五載清靖寡事為吏人所安卒贈兗州刺史子叔休襲
爵尉澗曾孫禎字叔碩學涉經史居喪以孝聞太和中以中
書博士副中書侍郎以高勳使江左還以母老患輒在家定
省坐免官後為司徒詔議參軍通直散騎常侍加冠軍將
軍卒贈齊州刺史禎子曰祖亦以學識知名為京兆王
瑜府外兵參軍瑜起逆於冀州將授其官不受死之贈河
東太守諡曰貞景雋弟景興清峻鯁正為州主簿遂擢遲
不仕後葛榮陷冀州稱疾不拜景興每捫膝而言曰吾不
負汝以不拜榮也

竇瑾字道瑜頓丘衛國人自云漢司空融之後也高祖成
頓丘太守因家焉瑾少以文學知名自中書博士為中書
侍郎賜爵繁陽子參軍國謀屢有功進爵衛國侯轉四部
尚書初定三秦人猶去就拜長安鎮將毗陵公在鎮八年
甚著威重徵為殿中都官尚書太武親待之賞賜甚厚從

征蓋吳吳平留瑾鎮長安還京復為殿中都官典左右執
法太武歎曰國之良輔毗陵公之謂矣出為冀州刺史清
約冲素著稱當時還為內都大官興光初瑾女壻鬱林公
司馬彌陀以選尚臨涇公主瑾教彌陀辭託有誹謗呪詛
之言與彌陀同誅唯少子遵逃匿得免遵善楷篆北京諸
碑及臺殿樓觀宮門題署多遵書位濮陽太守多所受納
其子僧演姦通人婦為部人賈邀告坐免後以善書拜庫
部令卒官

李訢字元盛小名真奴范陽人也曾祖產產子績二世知
名於慕容氏父崇馮跋吏部尚書石城太守車駕至和龍

崇率十餘郡歸降太武甚禮之呼曰李公為北幽州刺史
固安侯卒諡曰襄侯訢母賤為諸兄所輕崇曰此子之生
相者言貴吾每觀或未可知遂使入都為中書學生太武
幸中書學見而異之指謂從者曰此小兒終効用於朕之
子孫因識晒之帝舅陽平王杜超有女將許貴戚帝曰李
訢後必官達益人門戶可以妻之遂勸成婚南人李哲常
言訢必當貴達杜超之死也帝親哭三日訢以超女壻得
在喪位出入帝指謂左右曰觀此人舉動豈不異於眾也
必為朕家幹事臣訢聰敏機辯彊記明察初李靈為文成
博士詔崔浩選中書學生器業優者為助教浩舉其弟子

箱子與盧度世李敷三人應之給事高謹子祐尚書段霸
兒姪等以為浩阿黨其親戚言於景穆以浩為不平聞之
於太武太武意在訢曰云何不取幽州刺史李崇老翁兒
浩對曰前亦言訢合選但以其先行在外故不取之帝曰
可待訢還箱子等罷之遂除中書助教博士入授文成經
文成即位訢以舊恩親寵遷儀曹尚書領中祕書賜爵扶
風公贈其母孫氏為容城君帝顧羣臣曰朕始學之歲情
未能專既總万機温習靡暇是故儒道寔有闕焉豈惟子
各抑亦師傅之不勤所以爵賞仍隆蓋不遺舊也訢免冠
拜謝出為相州刺史為政清簡百姓稱之訢上疏求於州

君各立學官使士望之流衣冠之胄就而受業其經籍通
明者上王府書奏獻文從之以訢政為諸州之最加賜衣
服自是遂有驕矜自得之志受納人財物商胡珍寶兵人
告言尚書李敷與訢少長相好每左右之或有勸以奏
敷不許獻文聞訢罪狀檻車徵訢拷劾抵罪敷兄弟將見
踈斥有司諷以中旨嫌敷兄弟之意令訢告列敷等隱罪
可得自全訢深所不欲且弗之知也乃謂其女婿裴攸曰
吾與李敷族世雖遠情如一家在事既有此勸昨來引簪
自刺以帶自絞而不能致絕且亦不知其事攸曰何為為
他死敷兄弟事豈可知有馮蘭者先為敷殺其家切恨之

箱子與盧度世李敷三人應之給事高謹子祐尚書段霸
兒姪等以為浩阿黨其親戚言於景穆以浩為不平聞之
於太武太武意在訢曰云何不取幽州刺史李崇老翁兒
浩對曰前亦言訢合選但以其先行在外故不取之帝曰
可待訢還箱子等罷之遂除中書助教博士入授文成經
文成即位訢以舊恩親寵遷儀曹尚書領中祕書賜爵扶
風公贈其母孫氏為容城君帝顧羣臣曰朕始學之歲情
未能專既總万機温習靡暇是故儒道寔有闕焉豈惟子
祭抑亦師傅之不勤所以爵賞仍隆蓋不遺舊也訢免冠
拜謝出為相州刺史為政清簡百姓稱之訢上疏求於州

君各立學官使士望之流衣冠之胄就而受業其經籍
明者上王府書奏獻文從之以訢政為諸州之最加賜衣
服自是遂有驕矜自得之志受納人財物商胡珍寶兵入
告言尚書李敷與訢少長相好每左右之或有勸以奏
敷不許獻文聞訢罪狀檻車徵訢拷劾抵罪敷兄弟將見
踈斥有司諷以中旨嫌敷兄弟之意令訢告列敷等隱罪
可得自全訢深所不欲且弗之知也乃謂其女壻裴攸曰
吾與李敷族世雖遠情如一家在事既有此勸昨來引簪
自刺以帶自絞而不能致絕且亦不知其事攸曰何為為
他死敷兄弟事豈可知有馮蘭者先為敷殺其家切恨之

負志
負志
負志

負志
負志
負志

但呼關弟問之足可知委訢從其言又趙郡范標具列數
 兄弟事狀有司以聞數坐得罪詔列訢貪冒應死以糾李
 敷兄弟故免百鞭髡刑配為廝役訢之廢也平壽侯張讓
 見訢與語奇之謂人曰此佳士也終不久屈未幾而復為
 太倉尚書攝南部事用范標陳策計令千里之外戶別
 運詣倉輸之使所在委滯停延歲月百姓競以貨賂冬末
 在前於是遠近大為困弊道路羣議曰畜聚斂之人未若
 盜臣訢弟左軍將軍璞謂訢曰范標善能降人以色假
 以辭未聞德義之言但有世利之說聽其言也其察其行
 也賊所謂諂諛匿貪員姦佞不早絕之後悔無及諱不

從彌信之腹心事皆以告標訢既寵於獻文參決軍國大
 議兼典選舉權傾內外百寮莫不曲節以事之標以無功
 起家拜盧奴令獻文崩訢遷司空進爵范陽公出為侍中
 鎮南大將軍開府儀同三司徐州刺史范標知文明太后
 之忿訢又知內外疾之太和元年希旨告訢外叛文明太
 后徵訢至京師言其叛狀訢曰無之引標證訢訢言爾妾
 云知我吾又何言雖然爾不顧余之厚德而忍為此不仁
 甚矣標曰公德於標何若李敷之德於公公昔忍於敷標
 今敢不忍公乎訢慨然曰吾不用璞言自貽伊戚乃悔於
 心何嗟及矣遂見誅璞字季直性博厚多識人物賜爵宜

陽侯太常卿

韓延之字顯宗南陽堵陽人魏司徒暨之後也仕晉位建威將軍荊州從事轉平西府錄事參軍晉將劉裕伐司馬休之未至江陵密與延之書招之延之報書辭甚激厲曰劉裕足下海內之人誰不見足下此心而復欲欺誑國士其不屈如此事見南史宋本紀延之以裕父名翹字顯宗於是已字顯宗名子為翹蓋示不臣劉氏也後奔姚興泰常二年與司馬文思等俱入魏明元以延之為武牢鎮將賜爵陽侯初延之曾來往栢谷塢省曹皇宗之墓有終焉之志因謂子孫云河洛三代所都朝廷必有居此者我死不勞向北代葬也即可就此子從其言遂葬宗之墓次延之後五十餘年而孝文徙都其孫數家即居於祖墓之北栢谷塢

袁式字季祖陳郡陽夏人漢司徒滂之後父深晉侍中式在南歷武陵王遵諮議參軍及劉裕執權式歸姚興及姚泓滅歸魏為上客賜爵陽夏子與司徒崔浩一面便盡國士之交時朝儀典章悉出於浩浩以式博於故事每所草創恒顧訪之性長者雖羈旅飄泊而清貧守度不失士節時人甚敬重之皆呼曰袁諮議至延和二年衛大將軍樂安王範為雍州刺史詔式與中書侍郎高允俱為從事中

郎辭而獲免式沈靖樂道周覽書傳至於古訓倉雅偏所
留懷作字釋未就以太安二年卒贈豫州刺史諡肅侯子
濟襲父爵位魏郡太守政有清稱加寧遠將軍及宋王劉
昶開府召為諮議參軍

毛脩之字敬文滎陽武人也世仕晉劉裕之平關中留
子義真鎮長安以脩之為司馬及義真敗脩之沒統一方太
武平赫連昌獲之使領吳兵以功拜吳兵將軍脩之能為
南人飲食手自煎調多所適意武親待之累遷尚書賜
爵南郡公常在太官主進御膳從討和龍時諸軍攻城行
官人少末故將朱脩之為雲中將軍欲率吳兵為逆因入
和龍翼浮海南歸以告脩之不聽乃止是日無脩之大變
幾作脩之遂奔馮弘脩之又以軍功遷特進撫軍大將軍
位次崔浩下浩以其中國舊臣雖不博洽猶涉獵書傳與
共論說之次及陳壽三國志云有古良史風其所著述文
義典正班史以來無及壽者脩之曰昔在蜀中聞長老言
壽曾為諸葛亮門下書佐得撻百下故其論武侯云應變
非其所長浩乃與論曰承祚之評亮乃有故義過美之譽
非挾恨之言夫亮之相備英雄奮發之時君臣相得魚水
為喻而不能與曹氏爭天下委棄荊州退入巴蜀守窮崎
嶇之地僭號邊夷之間此策之下者可以趙他為偶而以

管蕭之亞匹不亦過乎且亮既據蜀弗量勢力嚴威切法
控勒蜀人欲以邊夷之衆抗衡上國出兵隴右再攻岐山
一攻陳倉踈遲失會摧衄而反後入秦川更求野戰魏人
知其意以不戰屈之智窮勢盡發病而死由是言之豈合
古之善將見可知難乎脩之謂浩言為然後卒於外部大
官諡恭公脩之在南有四子唯子法仁入魏文成初為金
部尚書襲爵轉殿中尚書法仁言聲壯大至於軍旅田狩
唱呼處分振於山谷卒贈征東大將軍南郡王諡曰威朱
脩之者仕宋為司徒從事中郎守滑臺為安頡所禽太武
善其固守以宗室女妻之以為雲中鎮將後奔馮弘弘送

之江南頡之剋滑宋陳留太守嚴稜戍倉垣及山陽公奚

斤軍至稜川稜率文武五百人詣斤降明元嘉其誠款賜

爵邵陽侯假荊州刺史隨駕南討還為上客及太武踐阼

以歸化之功除中山太守有清廉稱卒於家子幼玉襲稜

舊書有傳今附之云脩之在宋顯達事竝具南史

唐和字幼起晉西冥安人也父繇以涼土喪亂推涼武昭

王霸于河右及涼亡和與兄契攜其甥武昭王孫寶避難

伊吾招集人衆二千餘家臣於蠕蠕蠕蠕以契為伊吾王

經二十年和與契遣使降魏為蠕蠕所逼遂擁部至高昌

蠕蠕遣部帥阿若討和至白力城和先攻高寧契與阿若

戰沒和收餘衆奔前部國時沮渠安周屯橫截城和攻拔
之斬安周兄子樹又剋高益白力二城遣使表狀太武嘉
之屢賜之璽書後和與前部王車伊洛破安周太武使周
公万度歸討焉耆詔和與伊洛率所領赴度歸喻下柳驢
以東六城因其擊波居羅城拔之後同征龜茲度歸令和
鎮焉耆時柳驢成王乙真伽將叛和徑入其城禽斬乙真
伽由是西域剋平和有力焉正平元年和詣闕太武優寵
之待以為上客文成以和歸誠先朝封酒泉公太安中為
濟州刺史具有稱績徵為內都大官評決獄訟不加捶楚
察疑獲實以此多計以是擢之卒贈征西大將軍

酒泉王諡曰宣子欽字孟真其位陝州刺史降爵為侯太子
景宣襲爵卒於東都太子契子玄達性果毅有父風與叔
父和歸闕俱為上客封晉昌公獻文時位華州刺史太和
十六年降為侯子崇字繼祖襲爵

寇讚字奉國上谷人也因難徙馮翊五年父脩之字延期
符敗東萊太守讚弟謙有道術太武敬重之故追贈脩之
安西將軍秦州刺史馮翊公賜命服諡曰哀公詔秦雍二
州為立碑墓又贈脩之母為馮翊夫人及宗從追贈太守
縣令侯子男者十六人其臨職者七郡五縣讚少以清素
知名身長八尺姿容嚴凝非禮不動符堅僕射韋華州里

者 寇氏多長

尚達雖年時有異相以風味相待華為馮翊太守召為功
曹後除襄邑令姚泓滅秦雍人千餘家推讚為主歸魏拜
河南郡太守其後秦雍人來奔河南滎陽河內者戶至萬
數拜讚南雍州刺史軹縣侯於洛陽立雍之郡縣以撫之
由是流人襁負自遠而至交倍於前進讚爵河南公加安
南將軍領南蠻校尉仍刺史分洛豫二州之僑郡以益之
雖位高爵重接待不倦初讚之未貴嘗從相者唐文相文
曰君願上黑子入幘位當至方伯封公及其貴也文以百
姓禮拜謁曰明公憶疇昔言乎延文坐曰往時卿言杜瓊
不得官長人咸謂不然及瓊為整屋令卿猶言相中不見
而瓊果以暴疾未拜而終昔魏舒見主人兒死自知己必
至公吾怕以卿言瓊之驗亦復不息此望也乃賜文衣服
良馬讚在州十七年甚收公私之吝年老求致仕卒遺令
薄葬斂以時服太武悼惜之謚曰宣穆子元寶襲爵元寶
弟臻字仙勝年十二遭父憂居喪以孝稱輕財好士獻文
末為中川太守時馮熙為洛州刺史政號貪虐仙勝微能
附之甚得其意後為弘農太守坐受納為御史所彈遂廢
卒於家子祖訓順陽太守祖訓弟祖禮兄弟並孝友敦穆
白首同居父母亡雖久猶於平生所處堂宇備設幃帳几
杖以時節開堂列拜垂涕陳薦若宗廟焉吉凶之事必先

啓告遠出行反亦如之祖禮宣武末爲河州刺史在任數
年遇卻鐵忽反又爲城人詣都列其貪狀十六條會赦免
久之兼廷尉卿又兼尚書畏避勢家承顏候色不能有所
執據後蠻反於三鷗爲都督討戰歿贈衛大將軍七兵
尚書雍州刺史昌平男祖禮弟雋

雋字祖雋性寬雅幼有識量好學彊記性又廉怒不以財
利爲心家人曾賣物與人而利得絹一匹雋於後知之乃
曰得財失行吾所不取訪主還之以選爲孝文帝挽郎除
奉朝請大兼賊起燕趙擾亂雋參護軍事東討以功授負
外散騎侍郎累遷司空府主簿時靈太后臨朝減食祿官

十分之一造永寧佛寺以雋與之資費巨万主吏不能欺
隱寺成又極壯麗靈太后嘉之除左軍將軍孝昌中朝議
以國用不足乃置鹽池都將秩比上郡前後居職者多有
侵隱乃以雋爲之仍主簿永安初華州人史底與司徒楊
椿訟田長史以椿勢貴言椿直欲以田給椿雋曰史底
窮人楊公橫奪其地若欲損不足以給有餘見使雷同未
敢聞命遂以地還史底孝莊帝後知之嘉雋守正不撓拜
司馬其附椿者咸責焉二年出爲梁州刺史人俗荒蕪多
爲盜賊雋乃令郡縣爲立庠序勸其耕桑敷以禮讓數年
之中風俗頓革梁遣其將曹琰之鎮魏興繼日板築琰之

屢擾疆場邊人患之雋遣長史杜林道攻克其城并禽琰之琰之即梁大將景宗之季弟也於是梁人懼焉屬魏室多故州又僻遠梁人知無外援遂大兵頓魏興志圖攻取雋撫厲將士人思効命梁人知其得衆心也弟之敢逼雋在州清苦不事產業其子等竝徒步而還吏人送雋留連於道久之乃得出界大統三年東魏授雋洛州刺史雋因此乃謀歸闕五年將家及親屬四百口入關拜祕書監時軍國草創墳典散逸雋始選置令史抄集經籍四部羣書稍得周備加鎮東將軍封安西縣男十七年加散騎常侍遂稱篤疾不復朝覲恭帝二年賜姓若口引氏孝閔帝踐阼進爵爲子武成元年進驃騎大將軍開府儀同三司雋年齒雖高而志識未衰教授子孫必先典禮明帝尚儒重德特欽賞之數加恩賜思與相見雋不得已乃入朝常與同席而坐顧訪洛陽故事雋身長八尺纒纒皓然容止端詳音韻清朗帝與之談論不覺屢爲之前瞻及雋辭還帝親執其手曰公年德俱尊朕所欽尚乞言之事所望於公宜數相見以慰虛想以御輿令於帝前乘出顧謂左右曰如此事唯積善者可以致之何止見重於今亦將傳之乃古時人咸以爲榮卒年八十二武帝歎惜之贈本官加冀定瀛三州諸軍事冀州刺史諡曰元雋篤於仁義期功之

之中有孤幼者衣食豐約並與之同少為司徒崔光所知
光命其子勵與雋結友雋每造光常清談移日小宗伯盧
辨以雋業行俱崇待以師友之禮每有閑暇輒詣雋譙語
弥日恒謂人曰不見西安君煩憂不遣其為通人所敬重
如此子奉位至儀同大將軍順陽郡守洵州刺史昌國縣
公奉弟顥少好學最知名居喪哀毀位儀同大將軍掌朝
布憲為典祀下大夫小納言漢澤郡公

酈範字世則范陽涿鹿人也祖紹慕容寶濮陽太守以郡
迎降道武授兗州監軍父嵩天水太守範太武時給事東
宮太武踐阼追錄先朝舊勲賜爵永寧男以奉禮郎奉遷

太武景穆神主於太廟進爵為子為征南大將軍慕容白
曜司馬及定三齊範多進策白曜皆用其謀遂表為青州
刺史進爵為侯加冠軍將軍還為尚書左丞後除平東將
軍青州刺史假范陽公範前解州還京也夜夢陰毛拂踝
他日說之時齊人有占夢者史武進云公豪盛於齊下矣
使君臨撫東秦道光海岱必當重牧全齊再祿營立矣範
笑答曰吾將為卿必驗此夢果如言時鎮將元伊利表範
與外賊交通孝文詔範曰鎮將伊利表卿造船市玉與外
賊交通規陷卿罪窺觐州任有司推驗虛實自顯有罪者
今伏其辜矣卿其明為筭略勿復懷疑還朝卒京師謚曰

前廿安西縣志
此碑也
西安志

明主

北齊書卷五十五上

二十一

文

穆子道元

道元字善長初襲爵永寧侯例降為伯御史中尉李彪以道元執法清刻自太傅掾引為書侍御史彪為僕射李冲所奏道元以屬官坐免景明中為冀州鎮東府長史刺史于勁順皇后父也西討關中亦不至州道元行事三年為政嚴酷吏人畏之姦盜逃于他境後試守魯陽郡道元表立黌序崇勸學教詔曰魯陽本以蠻人不立大學今可聽之以成良守文翁之化道元在郡山亦患伏其威名不敢為寇延昌中為東荊州刺史威猛為政如在冀州蠻人詣闕訟其刻峻請前刺史寇祖禮及以遣戍兵七十人送道元還京二人竝坐免官後為河南尹明帝以沃野懷朔薄骨律武川撫冥柔玄懷荒禦夷諸鎮竝改為州其郡縣咸名今準古城邑詔道元持節兼黃門侍郎馳駟與大都督李崇等宜等立裁減法留會諸鎮叛不果而還孝昌初梁遣將揚州刺史元法僧又於彭城反叛詔道元持節兼侍中攝行臺尚書節度諸軍依僕射李平故事軍至渦陽敗退道元追討多有斬獲後除御史中尉道元素有嚴猛之稱權豪始頗憚之而不能有所糾正聲望更損司州牧汝南王恂嬖近左右立念常與卧起及選州官多由於念念常匿悅第時還其家道元密訪知收念付獄悅啟靈太后請

鄭善長能知
河源未曲折
狗牙陰怪怪怪
為水而固表其
七尺可

全念身有救赦之道元遂盡其命因以効悅時雍州刺史
蕭寶夤反狀稍露侍中城陽王徽素忌道元因諷朝廷遣
為閩右大使寶夤慮道元圖已遣其行臺郎中郭子帙圍
道元於陰盤驛亭亭在岡上常食岡下之井既被圍穿井
十餘文不得水水盡力屈賊遂踰墻而入道元與其弟道
闕二子俱被害道元瞋目叱賊厲聲而死寶夤猶遣斂其
父子殯於長安城東事平後還贈吏部尚書冀州刺史安
定縣男道元好學歷覽音書撰注水經四十卷本志十三
篇又為七聘及諸文皆行於世然兄弟不能篤睦又多嫌
忌時論薄之孝友襲道元第四弟道慎字善季涉歷史

傳有幹為位正平太守有能召遷長樂相卒贈平州刺史
道慎弟道約字善禮樸質遲鈍頗愛琴書性多造請好以
榮利干謁乞巧不已多為人所笑弄坎墮於世不免飢寒
晚歷東萊魯陽二郡太守為政清靜吏人安之無犯弟道峻
子惲字幼和好學有文才尤長吏幹舉秀才射策高第歷
位尚書外兵郎行臺長孫承業引為行臺郎惲頗兼武用
怕以功名自許每進計於承業多見納用以功賞魏昌縣
子惲在軍啓求減身官爵為父請贈詔授征虜將軍安州
刺史惲後與唐州刺史崔元珍固守平陽介朱榮稱兵起
闕惲與元珍不從為榮行臺郎中樊子鵠陷城被害所作

文章頗行於世撰慕容容氏書不成子懷則司空長流參軍
韓秀字白武昌黎人也祖宰慕容雋謁者僕射父景皇始
初歸魏拜宣威將軍騎都尉秀歷位尚書郎賜爵遂昌子
文成稱秀聰敏清辯才任喉舌遂命出納王言并掌機密
行幸遊獵隨侍左右獻文即位轉給事中參征南慕容白
曜軍事延興中尚書奏以敦煌一鎮介遠西北寇賊路衝
慮或不固欲移就涼州羣臣會議僉以為然秀獨曰此蹙
國之事非關土之宜愚謂敦煌之立其來已久雖隣疆寇
而兵人素習循常置戍足以自全若徙就姑臧慮人懷異
意或貪留重遷情不願徙脫引寇內侵深為國患且捨遠
就近遙防有闕一旦廢罷是啓戎心則夷狄交構互相
往關右荒擾烽警不息邊境煩興艱難方甚乃從秀議後
為平東將軍青州刺史卒子務襲爵務字道世性端謹有
吏幹為定州平北長史頗有受納為御史中尉李平所劾
付廷尉會赦免後除龍驤將軍郢州刺史務獻七寶牀象
牙席詔曰昔晉武帝焚雉頭裘朕常嘉之今務所獻亦此
之流也奇麗之物有乖風素可付其家人後以詐表破賊
免官久之拜大中大夫進號左將軍卒

堯暄字辟邪上黨長子人也本名鍾葵後賜名暄祖僧賴
道武平中山與趙郡呂含皆來歸國暄聰了美容貌為千

人軍將太武以其恭謹擢爲中散後兼北部尚書于時始
立三長暄爲東道十三州使更比戶籍賜獨車一乘廐馬
四匹暄前後從征及出使檢察三十許度皆有剋己奉公
之稱賞賜衣服綵絹奴婢等物賜爵平陽伯及改置百官
授太僕卿轉大司農卒於平城孝文爲之舉哀贈相州刺
史初暄至徐州見州城樓觀嫌其華盛乃令往往毀徹由
是後更損落及孝文幸彭城聞之曰暄猶可追斬暄長子
洪襲爵洪子傑字永壽元象中開府儀同三司樂城縣公
洪弟遵位臨洮太守卒諡曰思遵弟榮位員外散騎侍郎
子通字休武少驍果輕財重氣位燕州刺史平城縣伯隨
介宋北與齊神武戰敗於廣阿率所部據定州歸神武其
從兄傑爲北滄州刺史亦遣使降神武以其兄弟俱有誠
款使傑便爲行瀛州事使雄代傑爲瀛州刺史進爵爲公
時禁網踈闊官司相與聚斂唯雄義然後取接下以恩甚
爲吏人所懷魏孝武帝入關雄爲大都督隨高昂破賀拔
勝於穰城仍除豫州刺史元洪威據潁川叛叛人趙繼宗
殺潁川太守邵招據樂口北應洪威雄討之繼宗敗走城
內因雄之出據州引西魏雄復與行臺侯景討平之梁將
李洪芝王當伯襲破平鄉城雄立禽之又破梁司州刺史
陳慶之復圍南荊州東救未至雄陷其城梁以元慶和爲

魏王侵擾南境雄大破之於南頓尋與行臺侯景破梁楚
城豫州人上書更乞雄爲刺史復行豫州事潁州長史賀
若統執刺史田迅據州降西魏詔雄與廣州刺史趙育揚
州刺史是寶隨行臺任祥攻之西魏將怡鋒敗祥等育寶
各還據城降敵雄收散卒保大梁周文帝遣其右丞韋孝
寬等攻豫州雄都督程多寶降之執刺史馮邕并雄家屬
及部下妻子數千口欲送長安至樂口雄外兵參軍王恒
伽都督赫連備等從大梁邀之斬多寶收雄家口還大梁
雄別破樂口禽丞伯進討縣瓠復以雄行豫州事西魏以
是寶爲揚州刺史據項城義州刺史韓顯據南頓雄一日

拔其二城禽顯及長史岳寶遁走加驃騎上將軍儀同三
司仍隨侯景平魯陽復除豫州刺史雄雖武將性質寬厚
爲政舉其大綱而已在邊十年屢有功績愛人物多所施
與亦以此稱興和四年卒於鄴贈司徒諡曰武恭子師嗣
柳崇字僧生河東解人也七世祖軌晉廷尉卿崇方雅有
器量身長八尺美鬚明目兼有學行舉秀才射策高第解
褐太尉主簿轉尚書右外兵郎中于時河東河北二郡爭
境其間有鹽池之饒虞坂之便守宰百姓皆恐外割公私
朋競紛囂臺府孝文乃遣崇檢斷上下息訟屬荆郢新附
南寇窺擾又詔崇持節由州郡經略加慰喻還遷太子洗

馬本郡中正累遷河中太守崇初屈郡郡人張明失馬疑
執十餘人崇見之不問賊事人別借以溫顏更問其親老
存不農業多少而微察其辭色即獲真賊呂穆等二人餘
皆放遣郡中畏服境內帖然卒於官贈岐州刺史謚曰穆
崇所製文章寇亂遺失長子慶和性沈靜不競於時位給
事中本郡中正卒慶和弟楷字士則身長八尺善草書頗
涉文史位撫軍司馬

論曰屈遵學藝知機恒乃局量受委張蒲谷渾文武爲用
人世仍顯不亦善事公孫表初則一介見知終以輕薄致
於軌始受探金之賞末陷財利之嫌鮮克有終固不虛也
張濟使於四方有延譽之美季先學術嘉謀荷遇三世賈
彝早播時譽秀則不畏疆禦實瑾季訢時曰良幹瑾以片
言疑似訢以夙故猜嫌而顯名合門之戮良可悲也韓延之
忠於所事有國士之列表式取遇崔公以博雅而重脩之
晚著誠款唐和方里慕義寇讚誠信見嘉鄴範智器而達
道元遭命有銜鬚之風韓秀議邊得馭遠之策竟暗聰察
致位禮加存沒柳崇素業有資器行仍世盛矣乎

列傳第十五

北史二十七

方洽周益周之冕孫粹然校正

